



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

6. Varij modi, quibus senes possunt, aut solent honorari.

urn:nbn:de:hbz:466:1-45699

rum mores ac consilia ignorant. Luculentum exemplum est in diuinis litteris, istis iuuenum amatoribus, & rerum innovatoribus antiquarum (quasi illi parentibus suis rectius sapient) communictatumque optimarum eversoribus iterum, iterumque robustissima voce inculcandum, de rege Roboam, à quo populus petijt imminui iugum, quod ei imposuerat pater eius. In iuste consilium rex 3, Reg. p. 6.
Roboam cum senioribus, qui aſſtebant corano Salomonem patre eius, cūm adhuc vineret, & ait: Quod datis mihi consilium, ut respondēans populo huic? Qui dixerunt ei: Si hodie obedieris populo huic, & serviēris, & petitioni eorum cesseris, locutusq; fueris ad eos verba lenia, erunt tibi servi cunctis diebus. Qui dereliquit consilium senum, quod dederant ei, & adhibuit adolescentes, qui nutriti fuerant cum eo, & aſſtebant illi. Horum consilium fecutus auertit populum à se, & excitauit ingentem tempestatem, fæctionemque; quæ facta non fuisset, si ille senes honorasset, qui apud omnes semper sapientes in honore fuerunt; immò naturæ monitu, apud omnes nationes. Et adolescentis, inquit Cicero, maiores natu vereri. Et Naso:

Magna fuit capitis quondam reverentia cassi:

Inq; suo pretio ruga senilis erat.

Honorabant autem illos modis varijs. 1. Ipsum nomen. VI.
Senioris & presbyteri erat olim honorificum, quod & in sacra pagina licet obseruare. Nam & Abraham seruum senioreno domus sue, Gen. 24. 21; qui preerat omnibus, qua habebat, inter præcipuos numerauit. Et cūm funus duceret Ioseph patris sui Iacob, honoris ergo ierunt, Gen. 50. 7. cum eo omnes senes domus Pharaonis, cunctiq; maiores natu terræ Egypti. Ipse Dominus Moysi dixit: *Vade, & congrega seniores Israel, & Exod. 3. 164 dices ad eos, &c.* Deniq; passim honoratores populi, seniores populi vocitantur. Hispanis vox senior, non nihil detorta in Sennor, & Italis Signore, significat dominum. Nunc senex, vesulus, effatus, sacerdantium, nomina sunt conteinentibus senectutem in ore, & lingua. Seniores, tamquam doctiores interrogabant: *Memento die- Deuter. 32. 74 rum antiquorum, cogita generationes singulas: interroga patrem tuum,* & annuntiabit tibi; *maiores tuos, & dicent tibi.* Et Ecclesiasticus: Eccli. 8. 117 Non te prætereat narratio seniorum: ipsi enim didicerunt à patribus suis: quoniam ab ipsis disci intellectum, & in tempore necessitatū dare reponsum. Hinc antiquitus senum consilia, iuuenum lanceæ laudabantur

Cic. lib. 1. de

offic.

Ouid. 5. Faſt.

bantur; atque apud Homerum quoque Nestor in curia, Achilles in pugna celebratur. Audiendi igitur à iuuenibus sunt senes.

Luc. 2. 46.

Quo honore Christus ipse voluit afficere doctores, quem parentes inuenierunt in templo, audiencem illos, & interrogantes eos. Neque sanè parvus est honor, pro oraculo consuli, & audiri non secus, atque si ex tripode loquaris. Quem honorem non solum sapientiae magistri, apud Academicos, Peripateticos, Stoicos, ceterosq; Philosophos, sed ipsi etiam diuinitatis æmuli cacodæmones affectarunt. 3. Senes surgendo honorabant. Hoc est, quod Deus

Lenit. c. 19. 32. iussit illis verbis: *Coram cano capite consurge, & honor a personam sensu.* Quod præceptum quasi ad Lacedæmones quoque peruenisset, ita sedulò in theatris omnes venienti senibus consurgebant, eosq; sessum recipiebant. Senex in Olympijs cupidus erat spectandi certaminis, quod agebatur. Sed cum nulla vacaret sedes, ad varia loca sece conferens, ludibrio erat, ac scommatis petebatur, quod nullus eum exciperet. Ut verò peruenit ad Lacedæmonios, ibi non solum pueri omnes assurrexerunt, verùm etiam viri multi cesserunt illi locum; Id factum cum ceteri Græci, quotquot aderant, plausu comprobassent, patriumque morem supra modum collaudassen, senex

*Concutiens canasq; genas, & tempora cana,
Ac fusi lachrymis,*

*Heu miseris! inquit, ut omnes Græci norunt, quid sit honestum, si
so soli videntur Lacedæmonij! Nimirum.*

Iuuenal. Sat.

13.

Improbitas illo fuit admirabilis aeu.

Credebant hoc grande nefas, & morte piandum,

Si iuuenis vetulo non assurrexerat; & si

Barbato cucumque puer, licet ipse videret

Plura domi farra, & maiores glandis aceruos.

Tam venerabile erat, præcedere quattuor annis,

Primaq; par adeò sacra lanugo senecta.

**Homer. 1.
Iliad.
Erasm. lib. 4.
Apoph.** Ioui, apud Homerum venienti assurgunt, & occurunt omnes dij, sicut sit cum nos magnos hospites excipimus. 4. Non assurgebant itaque tantum senibus, verùm etiam occurrerant, immò loco cedebant. Alexander, cum hieme duceret exercitum, assidens igni recognoscere prætereuntes copias cœpit. Cumq; vi-

deret

deret senem quendam horrentem frigore, & ad ignem stantem, considerare loco suo iussit, dicens: *Si in Perseide natus essem, in regia sel- la sedere tibi capitale foret: in Macedonia nato conceditur.* D. Benedictus duo vult, à iunioribus suis, senioribus impendi, primum, ut ubi- cunque sibi obviant Fratres, Iunior à Priore, (seu seniore) benedictio- nem petat: alterum, ut transente Maiore, minor surgat, & det ei lo- sum sedendi: nec presumat Iunior confadere, nisi ei pricipiat Senior suus, vt fiat, quod scriptum est: honore inuicem preuenientes. Addit, vt, ubicumque sibi obviant Fratres, Iunior à Priore benedictionem petat: Vel nutu & capitis inclinatione, veletiam, ubi & quando licet, addita voce illa: *Benedicite.* Et inter casus excommunicatione, dignos sextus est, apud eundem, si quis seniorum suorum con- temptor repertus fuerit. 5. Senes ad cœnas inuitabant, & lo- cūm honoratiorem illis dabant. Quin, vt Valerius Maximus te- statur, inuitati ad cœnā diligenter quærebant, quinam ei con- uiuio essent interfuturi? ne senioris aduentum discubitu p̄acur- terent: sublataque mensa priores consurgere, & abire patieban- tur. Ex quibus apparet, cœna quoque tempore, quam parco, & quam modesto sermone his præsentibus soliti sint vii. 6. Iu- uenes senibus aderant quasi servi. Hinc Romani adolescentes se- niores in curiam deducebant, atque extra curiam p̄stolabantur, vt eosdem domum reducerent. Iam vix eos volunt ad templum, comitari. Vix adducuntur, vt parentum gratiâ se se submittant, ad officia mediastinorum. 7. Senibus, tamquam prudentioribus non solum officia magistratus, sed alias quoque præcipias digni- tates committebant. Fridericus Imp. vt refert Aeneas Sylvius, cùm in vrbe quadam præfectum, senem admodum & ætate imbe- cillem dedisset, non defuerunt adolescentes, qui sibi præfeturam loci committi peterent. Cùm igitur senem amouendum dicherent, fertur Fridericus dixisse: *Senem amicum oppido, non amico oppidum commendamus*, sentiens, dignum esse, vt senex iam à ciuibus ad mortem usque fouveretur. Quid mirum est, si res iam à pueris pue- riliter gerantur? olim senes rebus præficiebantur, vt omnia fie- rent com maturitate. Væ illi communitati de qua dici potest: *Senes defecerunt de portis, ubi iudicia excentur;* quid enim mi- rum est, si à iuuenibus iuueniliter iudicetur? Matura ætas, matu- ra con-

S. Benedictus
Reg. c. 63.
Valer. Max.
lib. 2.

Aeneas Sylvius lib.
4. de reb. ges.
tis Alphonsi

Thren. 5. 14.

ra consilia parit: & plerumque idem est inter senum ac iuuenum cogitationes discriben, quod inter excoctos & crudos fructus. Quæ tamen utique in teleganda sunt prudenter; non enim officijs sola ætas, sed matura & cordata ætas est præficienda. Neque sine perniciose consuetudine inductus est in nostram militiam ille mos, vt non fortior peritiorque, sed antiquior militibus ducendis præponatur, sive leo ille sit, sive lepus. Aliter ratio, aliter suadet Theologia, quæ docet, dignorem in grauibus præsertim negotijs esse ceteris præferendum, non seniorem. Miseranda res est, nos, cum ægrotamus, à medico imperito, qui iam dicitur aliquot cæmiteria impletissime, refugere, tametsi diutiùs medicum egerit; & optimos quoque quamvis iuniores conquirere; at quando agitur de salute Reip. de belli capite, de rerum summa, tantum aspicere ad antiquitatem, non ad virtutem: quasi non ignauissimus quisque, qui vel simulatione ægritudinis, vel dexterrima declinatione se subducit occasione præliandi, vel manifestè fugâ prodit suam trepidationem, possit diutissimè in bello versari, atque ita fieri antiquissimus. Num idcirco existimandus est, esse dignissimus, qui fiat Imperator? Si tamen & virtus adsit, & ætas maturior, utique erit iuniori senior plus meritus præferendus. Maxima malorum pars, ob qua male audit senectus, à vitijs hominum proficisciuit, ut apud Ausonium Chilon pronuntiat: habet autem senectus esse se nonnulla commoda, piurimarum rerum usum, ac memoriam, consulendi facultatem, reverentiam & autoritatem. Hæc si ad sunt commoda, absintque incommoda, ea senectus optabilius est multorum iuuentute, vitijs & inertia marcente. Videas autem in nonnullis iuuenib[us] senilem imbecillitatem, senilem somnolentiam, senilem ignauiam, senilem morositatem. Horum iuuentus peior est senectute. Nam cum senecta carent, senio tamen abundant. 8. Senes emeritos, ac præsertim de Rep. bene meritos publicè alebant in Prytaneo, loco Athenis in arce dignissimo, qui ho-

Cic. lib. I de nos habebatur maximus, teste Cicerone. Nam ibi & curia erat, in qua iudices & magistratus consilia agitabant: & locus in quo sacra siebant ab ijs, qui maxima in urbe pollebant potestate; ibi ergo senibus virtus quotidianus præbebatur publicè, vt omnibus palam

palam constaret, eos honeste tractari. Hodie si fieri posset, omnes senes ad Ponum & Raspinum mitterentur.

S. Thomas scriptit, senectutem esse signum virtutis ideoq; honorandam, licet in ijs virtus quandoq; deficiat. Alij, eos honore dignos aiunt, quia Deum & eternum, repräsentant, talem enim cum vidit Daniel. *Afficiebam, inquit, donec throni positi sunt, Dan. 7, 9.*

& antiquis dierum sedis: vestimentum eius candidum quasi nix, & capilli capitis eius quasi lana munda. Et canum senem, non ob etatis declinaturam, sed ob eternitatis maiestatem; quam quisq; considerare potest, si in homine venerandam canitatem intuetur, eamq; ut par est, reveretur. *Ob istam animi tui submissionem, gloria te afficit Deus,* ait S. Basilius. Qua gloria? respondet Isychius: Faciet, ut cum senueris, eadem reverentia tibi a junioribus rependatur: si negligas senes, poena talionis te senem puniet, ut a iunioribus quasi delirus contemnaris. Quamquam hoc ipsum in contemptoribus istis & turpe est, & iniquum. Turpe, quia recte, apud Laert. lib. 4: Laertium dixit Bion, nulli exprobrandam esse senectutem, ad cap. 7.

quam omnes optant peruenire. Absurdum enim est, alijs probro dare, quod quis optat sibi contingere. Iniquum, quia sapienter dicebat Cato, cum senectuti adsint multa probra, non esse addendum Plutarch. in aliud dedecus: sentiens, senectutē nos solam venire, sed multis Rom. Apoph. nominibus vulgo male audire: veluti cum audit deformis, edentula, lusciosa, imbecillis, obliuiosa, indocilis. Adde, & morbida, & morti atque capulo propinquua. Hæc ferre satis est, quid etate curuo, ac gibboso pondus aliud addis? Deploratur merito ciuitas, cuius pueri, sene conspecto, clamant: *ascende calce, a- 4 Reg. 2, 13.* scende calce, vrsorum dentibus digni, de qua canitur: *Facies facer- Thren. 4, 16.* dotum non erubuerunt, neque senum miseri sunt: itemq; qui non Baruch. 4, 16. sunt reveriti senem. Quid illis fecit Dominus? Adduxit super illos gentem de longinquo, gentem improbam, & alterius lingue. Alexander Bucephalum, iam ienem ab alijs equis gestandum curare solebat, donec ad hostem ventum esset, ut integer ad pugnam veniret: ita senum vtendum opera, ut eis admatur, quantum potest laboris, ad necessitatem viuis illorum referuerit. Iuuenes imprudentes, inexperti, crudeles, omnia in senes reiiciunt onera, quæ ipsi ne digito quidē attingunt, atq; vel ob hoc ipsi indigni, qui ad

VII.

S. Basil. libr.
de abdic. rer.
Isych. in c. 19.
Leuit.

Oo

senium